

23rd Februarij, 1650, in presens of Alex^r Jaffray, provost, and George Cullen, baillie.

The said day, Gilbert Chalmer, burges of Aberdein, did instruct, werifie, and prove, be the depositiones of Mr. Thomas Gray, lait provost of Abirdein, George Morison, baillie, Mr. Johne Chalmer, advocat thair, and Gilbert Mollisone, burgessis of the said burght, that Gilbert Chalmer, secound lauchfull sone on lyff to the said Gilbert Chalmer, is borne in lauchfull matrimony off honorable parentis, both of father and mother syd, to wit, the said Gilbert Chalmer and Christane Con his spous, and that the said Gilbert Chalmer his father was Alex^r Chalmer of Cultis, and Jean Lumsden his mother, quha wes dochter to Mr. Robert Lumsden of Clova, brother german to Robert Lumsden of Cushnie, procreat wpone Elizabeth Keith, dochter to Alex^r Keith of Pettie, brother german to William Earl Marshall, and that the said Gilbert Chalmer, younger, his grandschir wes Alex^r Chalmer of Cultis, and his grandhom Elizabeth Irving, dochter to Alex^r Irving of quha wes brother german to Alex^r Irving of Drum, his for grandschir Alex^r Chalmer of Cultis, his for grandhom Margaret Raitt, dochter to Raitt of Halgrein, and that the said Cristane Cone, mother of the said Gilbert Chalmer, younger, wes lauchfull dochter to Patrick Con of Auchry, and Margaret Cheyn, lauchfull dochter to Thomas Cheyne off Essilmont, and that his grandhame, on the mother syd, wes Margaret Gordoun, lauchfull dochter to James Gordoun of Haddo, descendit out of the hous of Huntlie, his grandschir wes William Con of Auchry and Barbara Leslie, lauchfull dochter to Johne Leslie of Balquhayne, descendit out of the hous of Rothes, his for grandschir Alex^r Con of Auchry, quhoiss father wes William Con, lauchfull sone to Donald of the Iles and Kyntir, cheif of the Mackdonald, his for grandhom Jeane Cheyn, dochter to James Cheyne off Straloch.

At Aberdene, the sevinteint day of Junij, 1652, in presens of Alexander Lumsden, baillie.

Compeirit Thomas Burnet of Campbell, and desyrit that the said